

Ճիշտ պատասխանի ընտրության ձևաչափ

ՀՀ ԿԳՄՍ նախարարի 2020 թվականի մայիսի 7-ի N 20-Լ հրաման

Հարց

**Գիտության կոմիտեն ունի՝**

- 1) ՀՀ զինանշանի պատկերով, ՀՀ կրթության, գիտության, մշակույթի և սպորտի նախարարության հայերեն, ռուսերեն և անգլերեն անվանումներով կլոր կնիք, ձևաթղթեր և խորհրդանիշ.
- 2) Կոմիտեի հայերեն, ռուսերեն և անգլերեն անվանումներով կլոր կնիք և խորհրդանիշ.
- 3) ՀՀ զինանշանի պատկերով ու իր՝ հայերեն անվանմամբ կլոր կնիք, ձևաթղթեր, ինչպես նաև խորհրդանիշ և այլ անհատականացման միջոցներ:
- 4) ՀՀ զինանշանի պատկերով և հայերեն անվանմամբ կլոր կնիք, ձևաթղթեր և խորհրդանիշ:  
(3, ՀՀ ԿԳՄՍ նախարարի 2020թ.մայիսի 7-ի N 20-Լ հրամանի հավելված, կետ 5)

Հարց

**Կոմիտեի կառուցվածքում ընդգրկվում են՝**

- 1) Կոմիտեի նախագահի, նախագահի տեղակալի, գլխավոր քարտուղարի պաշտոնները և կառուցվածքային ստորաբաժանումները.
- 2) Կոմիտեի նախագահը և կառուցվածքային ստորաբաժանումները.
- 3) Կոմիտեի աշխատակազմը.
- 4) Կոմիտեի նախագահը, Կոմիտեի նախագահի խորհրդականները և օգնականները:  
(1, ՀՀ ԿԳՄՍ նախարարի 2020թ.մայիսի 7-ի N 20-Լ հրամանի հավելված, կետ 6)

Հարց

**Ո՞վ է կառավարում գիտության կոմիտեն՝**

- 1) ՀՀ կրթության, գիտության, մշակույթի և սպորտի նախարարը.
- 2) ՀՀ վարչապետը.
- 3) Կոմիտեի նախագահը.
- 4) ՀՀ կառավարությունը:  
(1, ՀՀ ԿԳՄՍ նախարարի 2020թ.մայիսի 7-ի N 20-Լ հրամանի հավելված, կետ 12)

**ՀՀ աշխատանքային օրենսգիրք**

Հարց

**Ո՞ր դեպքերում է գործատուն ընդունում անհատական իրավական ակտեր**

- 1) անհատական իրավական ակտեր գործատուն ընդունում է կարգավորելու համար աշխատանքային հարաբերությունները .
- 2) անհատական իրավական ակտեր գործատուն ընդունում է կարգավորելու համար կոլեկտիվ աշխատանքային հարաբերությունները .
- 3) անհատական իրավական ակտեր գործատուն ընդունում է կարգավորելու համար ներքին կարգապահական կանոնները.
- 4) անհատական աշխատանքային հարաբերությունները կարգավորելու նպատակով գործատուն ընդունում է անհատական իրավական ակտեր.

(4, ՀՀ աշխատանքային օրենսգիրք, հոդված 5, մաս 3 )

## Հարց

### Ի՞նչ է համատեղությամբ աշխատանքը

- 1) համատեղությամբ աշխատանքը հիմնական աշխատանքային ժամանակից դուրս, միևնույն գործատուի կամ այլ գործատուի մոտ աշխատանքային պայմանագրի հիման վրա աշխատողի կատարած աշխատանքն է.
- 2) համատեղությամբ աշխատանքը հիմնական աշխատանքային ժամանակից դուրս այլ գործատուի մոտ աշխատանքային պայմանագրի հիման վրա աշխատողի կատարած աշխատանքն է.
- 3) համատեղությամբ աշխատանքը հիմնական աշխատանքային ժամանակից դուրս, միևնույն գործատուի մոտ աշխատանքային պայմանագրի հիման վրա աշխատողի կատարած աշխատանքն է.
- 4) համատեղությամբ աշխատանքը հիմնական աշխատանքային ժամանակի ընթացքում այլ գործատուի մոտ աշխատանքային պայմանագրի հիման վրա աշխատողի կատարած աշխատանքն է.

(1, ՀՀ աշխատանքային օրենսգիրք, հոդված 99, մաս 1)

## Հարց

### Ի՞նչ է ամենամյա արձակուրդը

- 1) ամենամյա արձակուրդն օրերով հաշվարկվող ժամանակահատված է, որը տրամադրվում է աշխատողին հանգստանալու և աշխատունակությունը վերականգնելու համար.
- 2) ամենամյա արձակուրդն աշխատանքային օրերով հաշվարկվող ժամանակահատված է, որը տրամադրվում է աշխատողին հանգստանալու և աշխատունակությունը վերականգնելու համար.
- 3) ամենամյա արձակուրդն աշխատանքային օրերով հաշվարկվող ժամանակահատված է, որը տրամադրվում է աշխատողին հանգստանալու համար.
- 4) ամենամյա արձակուրդն աշխատանքային օրերով հաշվարկվող ժամանակահատված է, որը տրամադրվում է աշխատողին աշխատունակությունը վերականգնելու համար.

(2, ՀՀ աշխատանքային օրենսգիրք, հոդված 158)

## Քաղաքացիական ծառայության մասին ՀՀ օրենք

## Հարց

### Ո՞րն է համարվում քաղաքացիական ծառայության պաշտոն՝

- 1) համապատասխան մարմնի իրավասությունը սահմանող իրավական ակտերից և խնդիրներից բխող իրավունքներ ու պարտականություններ, մասնագիտական գիտելիքներ ու կոմպետենցիաներ պահանջող կառավարման համակարգում տեղակայված, քաղաքացիական ծառայության պաշտոնների անվանացանկով նախատեսված հաստիքային միավոր.
- 2) քաղաքացիական ծառայության պաշտոնների անվանացանկում ընդգրկված պաշտոն.
- 3) պետական կառավարման համակարգի պաշտոն.

(1, «Քաղաքացիական ծառայության մասին» ՀՀ օրենք, հոդված 4, մաս 1)

## Հարց

### Ո՞վ է քաղաքացիական ծառայողը

- 1) պետական կառավարման համակարգի մարմինների աշխատակից.
- 2) ՀՀ օրենսդրությամբ պետական կառավարման համակարգի մարմիններում աշխատող պետական ծառայող.
- 3) ՀՀ քաղաքացի, որն օրենքով սահմանված կարգով զբաղեցնում է քաղաքացիական ծառայության պաշտոն և կատարում է այդ պաշտոնին վերապահված մասնագիտական գործունեություն կամ գրանցված է քաղաքացիական ծառայության կադրերի ռեզերվում և վարձատրվում է ՀՀ պետական բյուջեից.

(3, «Քաղաքացիական ծառայության մասին» ՀՀ օրենք, հոդված 4, մաս 1)

Հարց

**Ի՞նչ է մասնագիտական աշխատանքային ստաժը**

- 1) աշխատանքային ստաժ, որն անհրաժեշտ է տվյալ պաշտոնը զբաղեցնելու համար.
- 2) տվյալ պաշտոնը զբաղեցնելու համար անհրաժեշտ որակավորմանը համապատասխանող աշխատանքային ստաժ.
- 3) ստացած բարձրագույն կրթության, իսկ տվյալ պաշտոնի անձնագրով բարձրագույն մասնագիտական կրթություն նախատեսված լինելու դեպքում այդ կրթության մասին վկայող փաստաթղթում նշված որակավորմանը համապատասխանող աշխատանքային ստաժ, անկախ պետական կամ մասնավոր ոլորտներում կատարած աշխատանքից:

(2, «Քաղաքացիական ծառայության մասին» ՀՀ օրենք, հոդված 4, մաս 1)

**«Կառավարչական իրավահարաբերությունների կարգավորման մասին» ՀՀ օրենք**

Հարց

**Ի՞նչ գործառույթներ են իրականացնում կառուցվածքային ստորաբաժանումները**

- 1) կառուցվածքային ստորաբաժանումն իրականացնում է տվյալ պետական մարմնի, իրավասությունը սահմանող իրավական ակտերից բխող, ինչպես նաև քաղաքացիական իրավահարաբերությունների մասնակցությունն ապահովող գործառույթներ.
- 2) կառուցվածքային ստորաբաժանումն իրականացնում է տվյալ պետական մարմնի, ենթակա պետական մարմնի նպատակներից, խնդիրներից, իրավասությունը սահմանող իրավական ակտերից բխող, ինչպես նաև քաղաքացիական իրավահարաբերությունների մասնակցությունն ապահովող գործառույթներ.
- 3) կառուցվածքային ստորաբաժանումն իրականացնում է տվյալ պետական մարմնի, ենթակա պետական մարմնի քաղաքացիական իրավահարաբերությունների մասնակցությունն ապահովող գործառույթներ.
- 4) կառուցվածքային ստորաբաժանումն իրականացնում է տվյալ պետական մարմնի, ենթակա պետական մարմնի նպատակներից, խնդիրներից, ինչպես նաև քաղաքացիական իրավահարաբերությունների մասնակցությունն ապահովող գործառույթներ.

(2, «Կառավարչական իրավահարաբերությունների կարգավորման մասին» ՀՀ օրենք, հոդված 7, մաս 1)

Հարց

**Ինչպիսի՞ն են լինում կառուցվածքային ստորաբաժանումները**

- 1) կառուցվածքային ստորաբաժանումները դասակարգվում են երկու տեսակի՝ առանձնացված և ոչ առանձնացված կառուցվածքային ստորաբաժանումներ.
- 2) կառուցվածքային ստորաբաժանումները դասակարգվում են երկու տեսակի՝ մասնագիտական կառուցվածքային ստորաբաժանումներ և ոչ մասնագիտական կառուցվածքային ստորաբաժանումներ.
- 3) կառուցվածքային ստորաբաժանումները դասակարգվում են երկու տեսակի՝ հիմնական մասնագիտական կառուցվածքային ստորաբաժանումներ և աջակցող մասնագիտական կառուցվածքային ստորաբաժանումներ.
- 4) կառուցվածքային ստորաբաժանումները դասակարգվում են երկու տեսակի՝ կարևոր կառուցվածքային ստորաբաժանումներ և աջակցող կառուցվածքային ստորաբաժանումներ.

(3, «Կառավարչական իրավահարաբերությունների կարգավորման մասին» ՀՀ օրենք, հոդված 7, մաս 5)

## Հարց

Ու՞մ միջոցով է պետական մարմինը գույքային և անձնական ոչ գույքային իրավունքներ ձեռք բերում

- 1) պետական մարմինն իր իրավասության սահմաններում գույքային և անձնական ոչ գույքային իրավունքներ, ինչպես նաև քաղաքացիաիրավական այլ պարտականություններ է ձեռք բերում և իրականացնում է գլխավոր քարտուղարի միջոցով.
- 2) պետական մարմինն իր իրավասության սահմաններում գույքային և անձնական ոչ գույքային իրավունքներ, ինչպես նաև քաղաքացիաիրավական այլ պարտականություններ է ձեռք բերում և իրականացնում է մարմնի ղեկավարի միջոցով.
- 3) պետական մարմինն գույքային և անձնական ոչ գույքային իրավունքներ, ինչպես նաև քաղաքացիաիրավական այլ պարտականություններ է ձեռք բերում և իրականացնում է քարտուղարության պետի միջոցով.
- 4) պետական մարմինն իր իրավասության սահմաններում գույքային և անձնական ոչ գույքային իրավունքներ, ինչպես նաև քաղաքացիաիրավական այլ պարտականություններ է ձեռք բերում և իրականացնում է լիազոր մարմնի միջոցով.

(1, «Կառավարչական իրավահարաբերությունների կարգավորման մասին» ՀՀ օրենք, հոդված 12, մաս 1)

**«Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենք,**

## Հարց

Ի՞նչ է հիմնական աշխատավարձը

- 1) «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենքով նախատեսված բազային աշխատավարձի և նույն օրենքով նախատեսված գործակցի արտադրյալ.
- 2) բազային աշխատավարձի և կոնկրետ գործակցի արտադրյալ.
- 3) «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենքով բազային աշխատավարձի և նույն օրենքով նախատեսված գործակցի գումար.
- 4) աշխատանքի ընդունման պայմանագրում նախատեսված աշխատավարձ.

1, «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենք, հոդված 3

## Հարց

Ո՞վ է սահմանում պետական պաշտոն և պետական ծառայության պաշտոն զբաղեցնող անձանց բազային աշխատավարձի չափը

- 1) պետական պաշտոն և պետական ծառայության պաշտոն զբաղեցնող անձանց բազային աշխատավարձի չափը սահմանվում է յուրաքանչյուր տարվա պետական բյուջեի մասին ՀՀ օրենքով.
- 2) պետական պաշտոն և պետական ծառայության պաշտոն զբաղեցնող անձանց բազային աշխատավարձի չափը յուրաքանչյուր տարի սահմանում է ՀՀ կառավարությունը.
- 3) պետական պաշտոն և պետական ծառայության պաշտոն զբաղեցնող անձանց բազային աշխատավարձի չափը յուրաքանչյուր տարի սահմանում է ՀՀ վարչապետը.
- 4) պետական պաշտոն և պետական ծառայության պաշտոն զբաղեցնող անձանց բազային աշխատավարձի չափը սահմանվում է օրենքով.

**1, «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենք, հոդված 5, մաս 1**

**Հարց**

**Ե՞րբ է իրականացվում աշխատավարձի հերթական միավոր ավելացումը**

- 1) հիմնական աշխատավարձի հերթական մակարդակի ավելացումը իրականացվում է աշխատանքային տարին լրանալուց.
- 2) պետական ծառայողի հիմնական աշխատավարձի հերթական մակարդակի ավելացումը, իրականացվում է հունվարի 1-ից՝ աշխատավարձի սանդղակին համապատասխան.
- 3) **պետական ծառայողի հիմնական աշխատավարձի հերթական մակարդակի ավելացումը իրականացվում է աշխատանքային տարին լրանալուն հաջորդող ամսվա 1-ից՝ աշխատավարձի սանդղակին համապատասխան.**
- 4) հիմնական աշխատավարձի հերթական մակարդակի ավելացումը իրականացվում է աշխատանքային տարին լրանալուն պես՝ աշխատավարձի սանդղակին համապատասխան.

**3, «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» ՀՀ օրենք, հոդված 20, մաս 6**

**«Նորմատիվ իրավական ակտերի մասին» ՀՀ օրենք, հոդվածներ**

**Հարց**

**Ի՞նչ է նորմատիվ իրավական ակտը**

- 1) **Հայաստանի Հանրապետության ժողովրդի, ինչպես նաև Սահմանադրությամբ նախատեսված մարմինների կամ պաշտոնատար անձանց ընդունած գրավոր իրավական ակտ, որը պարունակում է վարքագծի պարտադիր կանոններ անորոշ թվով անձանց համար.**
- 2) Միայն Ազգային ժողովի ընդունած օրենքները.
- 3) Միայն կառավարության ընդունած որոշումները.
- 4) Միայն վարչապետի ընդունած որոշումները:

(1, «Նորմատիվ իրավական ակտերի մասին» ՀՀ օրենք, հոդված 2)

**Հարց**

**Ի՞նչ է անհատական իրավական ակտը**

- 1) վարքագծի կանոն, որը վերաբերում է միայն նշված կոնկրետ անձի կամ անձանց համար.
- 2) Գրավոր փաստաթուղթ, որը վերաբերվում է միայն դրանում անհատապես նշված անձանց համար.
- 3) **նորմատիվ իրավական ակտի հիման վրա և դրան համապատասխան ընդունված գրավոր իրավական ակտ, որը սահմանում է վարքագծի կանոն կամ առաջացնում է փաստական հետևանքներ և վերաբերում է միայն դրանում անհատապես նշված անձի կամ անձանց.**
- 4) Միայն մարմնի ղեկավարի ընդունած իրավական ակտը:

(3, «Նորմատիվ իրավական ակտերի մասին» ՀՀ օրենք, հոդված 2)

**Հարց**

**Ի՞նչ է ներքին իրավական ակտը**

- 1) **նորմատիվ իրավական ակտի հիման վրա և դրան համապատասխան ընդունված իրավական ակտ, որը սահմանում է վարքագծի կանոն այն անձանց խմբի համար, որոնք դա ընդունող մարմնի հետ**

աշխատանքային կամ վարչական հարաբերությունների մեջ են կամ օգտվում են դա ընդունող մարմնի ծառայություններից կամ աշխատանքներից

- 2) միայն մարմնի ղեկավարի ընդունած իրավական ակտը:
- 3) վարքագծի կանոն, որը վերաբերում է միայն նշված կոնկրետ անձի կամ անձանց համար.
- 4) վարքագծի կանոն, որը վերաբերում է միայն այն անձանց խմբի համար, որոնք դա ընդունող մարմնի հետ աշխատանքային կամ վարչական հարաբերությունների մեջ են.

(1, «Նորմատիվ իրավական ակտերի մասին» ՀՀ օրենք, հոդված 2)